

Acta undecimae synodi provincialis, so van den E. E. hochwisen hern Gedeputerd. Staten van stadt Groningen end Umblanden uthgeschreven tho holden up den 6 Majj deses jahres 1605 binnen der stadt Gröningen, ten overstaen und bijwesen der E. E. hochwis. heren EGRICK EGGENS ende GERRIJTT KRABBE, mede Gedeputerde Staten end van dem collegio daerto gecommitteret etc.

Then erstenn is dese synodus van domino ARNOLDO UTHUSIO, ministro Groningensi, mith dem gebede begonnen. Darnha ijs mith gemeinen stemmen thot praesidem gekoren dominus ARNOLDUS, thot scribam dominus WULFGANGUS AGRICOLA, prediger thott Loesdorff.

Voerts hebben die predigers, so thot desen synodo erschenen sint, hoere credentzbrieven overgelevert alss folget:

uth dem classe van Gröningen: ARNOLDUS UTEHUSIUS, minister Gröningensis, die E. E. raetsheer LAMBERT HÖRENKENS, HENRICUS CREVELLIUS, pastor in Middelbert;

uth dem classe Oldamptt: JOHANNES LOLINGIUS, pastor toe Noertbröck, HENRICUS ASSWERUS, p. in Beertha, JOANNES MENSINGIUS, p. tho Onstwedde, loco senioris;

uth dem classe Appingadam: JOHANNES SPRENGERUS, prediger aldaer, JOANNES LAXTEN, pastor in Holwijdra, JOANNES BIJVELT, borger end olderlinck ten Dam;

uth dem c. Loppersüm: EGRERTUS STAEL, pastor tho Stedum, WULFGANGUS AGRICOLA, p. tho Loesdorp, JOHANNES EGBERTI, pastor tho Leermis, loco senioris;

uth dem classe Middelstüm: JOHANNES NICASIUS, pastor toe Middelstumb, WIBRANDUS GEORGIUS, p. tho Werffum, THEODORICUS PETRI, p. in Süetwolda, loco senioris;

uth den classe van Enerum: HERMANNUS VAN BESTEN, pastor toe Werffhusen, JOHANNES CONRADI, p. tho Sawert, absent, den E. E. SEIROU ELAMA, senior;

uth dem classe Suethorm: HERMANNUS THEOPHILUS, pastor in Höchkerck, SIXTUS ABELI, pastor toe Esingha, PETER JOHANSEN, olderlinge.

Dese credentzbrefen sint gelesen ende geapprobiret worden, avermitz nits befunden tegens die kerckenordeninge ende decreten voorgaender synodorum toe striden.

1. Naest desen hefft BORCHARDUS HERWAGIUS, schoelneister toe Nordt-wolde, gude attestatie, underteickent van den collatoren und carspelluiden, van sin deenst und levendt dem synodo vörtönet. Is geapproberet unde vörts for gudt angesien, dat he up die kosterije tho Middelbert gepromoveret worde.

2. Is bij dem synodo guet und behörlick geachtet, dat henferner gene politike personen ijn dem synodo session sullen hebben, diewelcke geene membra ecclesiae sinnen.

3. Hefft synodus guetgeachtet, dat den classibus geordineret und uperlecht sall worden, dat ellick classis ahn den gedeput. des synodi sullen toschripen, wat sie sunderlinges van unordenlichen doende der Wedderdoperen vor seker hebben ende weten, um darvan ahn die heren der provincie relaet tho dohnde.

Hirinha sint die acta synodi proxime praecedentis vorgehamen unde gereviseret.

4. Belangende den 4 articul van praeposituren achtet synodus nodich, dat deputati synodi bij den heren der provincie willen anholden, dat einmael eine richtigkeit gestellet ende gemaket mochte worden.

5. Anghaende die correspondentie van wegen der prediger der landtschop Drente tho dem synodo deser provincie wert ahn sine graffl. Gnaden gestellet, oft se mith dem synodo dezer provincie vöreiniget süllen bliven effte niett.

6. Belangende den 13 articul prioris synodi, concernerende die kereke van Midthusen, leth synodus bliven bij die resolutie desselven synodia, als vor nödich achtende dat sie einen egenen diener mogen hebben.

Sessio secunda 7 Majj vörmiddage.

7. Angaende den 19 articul. belangende visitationen classicael achtet synodus, dat desulve up ahnstaende volgende jahr tusschen desen und folgenden synodum um rede gemoveret naebliven sülle mögen, und nit praecise in allen gehalten, vülbracht behoret tho worden, dan alleine dar classis befinden sall die noedt end stichting te ereischen.

8. Angaende den 23 articul angaende den koster to Weijwert, dewile desulve van vogaenden synodo um merkliche reden van sinen dienst geremoviret, und thot nochtöe keine attestatie noch van classe noch van sinen carspelluiden van beterschop van ehm vorgekahmen ijs, leth het synodus alsoech by ijdt advis des vörgangenen synodi vorbliven, ehm thott deinst unbequaem und unwerdich achtende.

9. Anghaende den 28 artic. belangend die karmisse tho Wijttwert, achtet synodus alsoch te behöeren entweder affgeschaffet offt up ein ander tidt gestellet te worden.

10. Den 29 articul. angaende die vörforderinge ende recapitulatie gravaminum classium approbiret synodus alsoch.

11. Ingeliken den 30 articul van den mandaten der hövetluiden ende andere, item pachterijen, deenst ende handel up Sondagen nit behoren bedienet te worden, approbiret synodus.

12. Achtet synodus, dat up die clagten der predigers vant Oldeampt, dat noch geen sekere ordeninge vant naeijahr der wedewen van vörstorven predigers gestellet sin, achtet synodus, dat die gedeputerd. synodi bij die magistraet der stadt anholden süllen umme darin vörsien te worden

13. Synodus achtet vör behörich, dat historia passionis jahrlix ijn den dörpen vörklaret worde.

14. Angaende den 40 artickel belangend EVERARDUM ARNOLDI, vörmeinten prediger to Hornhusen, van den deputatis synodi end dem classe inhabel befunden und affgesettet, end hie nochtans vortgefahren, resolvirt synodus, dat gemelter EVERARDUS van classe censuriret solle und behöret te worden wegen sine continuatie, ende so hie versoecken wert van nijen gehörett und underfraget te worden, dat hetsulve ijn siner kereke in praesentie twe offte drie des classis van Enerum und Middelstum, dartoe gecommitteret, vorgunnet unde darhna ijn der saeke gedahn sal worden, alss sick stichtelick end behörluck befinden sall, mitz dat die classes van Middelstum und Enerum reciproce vorkesen, die hem underfragen süllen, und dith alles upt versoeck des collatoris und karspelluiden aldar.

15. Angaende den 48 prioris synodi, belangende die unkosten der synoden end gedeputerden des synodi, achtet synodus, dat deputati synodi süllen bij den hern Staten end gecommitterden van die geistliche guderen voersoecken etwes assistentie van den cloesterguderen toe den vörbenömeden kosten.

16. Anghaende den 56 articul. prioris synodi wort den gedeputerden synodi belastet ahn die E. E. hern Staten to vörsoeken, dat dem schoelmeister tho Rottum bij den commeldtüir tho Werffum enich underholt geprocuriret moge worden.

17. Ahngaende die abusen by den kerckganck van brüdt ende brödegam als blaken, schencken, brudigam tho schlagen, item dat blaken up Meijavendt und andere tidt, item die heidensche vastelaventsspelen wertt

den gedeputerden synodi belastet up die hövetkamer tho vörsöken mandaten ahn die redgers umme sölcke dingen aff tho schaffen.

18. Anghaende den articul van gebreck unde armoedt der wedewen der vörstorvenen predigers, achtet synodus, dat deputati synodi umme alimentatie bij denn heren Staten anholden sollen, sonderlicken vor die wedewen der vörstorvenen prediger tho Farmsum, Usqwert, Sandtweer, Tinallinga, siende up den 60 articul der kerckenordeninge.

Sessio 3 pomeridiana 7 Majj etc.

Gravamina.

1. Classis van Gröningen doleret, dat die döpe minus reverentialiter bedienet wert. Resolviret synodus, dat hirinne die kerckenordening achterfolget söle werden.

2. Angaende die classicale kosten approberet synodus alsnoch decretum praecedentium synodorum van vier dalers, uth den kercklicken middelen jarlix daruth geordineret.

3. Classis vant Oldeampt hefft tho kennen gegeben, dat die droste tho Wedda den predigers ijn die herlicheit tho Wedde wille besperen dat pachtcorn oft, so he secht, datt misscorn tho entfangen. Achtet synodus sulckes dondt des drosten unbehörlich tho sin und ordelen, dat dieselvige predigers aldar dat korne wol mögen entfangen, besunderen diewile ijdt ehre middelen van underholdt sin.

Ten tweden dat die droste solde eischen investurgeldt vann den predigers te entfangen, welcke dönde synodus ock vor unbillick achtet.

Classis Dammonensis.

1. Classis van den Dam doleret, dat het classis van Loppersum solde sick unrecht vörferdiget hebben die synodale kosten van Schermer to eisschen. Classis van Loppersum secht contrarie. Und refereren sich beide classes tho decisie der heren Gedeputerd., twelcke die gedeputerden synodi den hern vörstellen sölen.

2. Hefft classis gementioneret, alssdat Oldecloester mith unbehoer an Berum gecombineret solde worden. Leth derhalven synodus noch vör dithmael bij provisie Oldecloester bij Holwijerda gecombineret.

3. Classis intercederet vor den prediger van Oterdum umme vörbede ahn den commendüer van Osterwerum, item vor einen schoelmeister tho Borckschweer ende omliggende plaetsen, dat gemelte commelduer beijde den prediger ettwas augmente stipendii wille tokahmen laten, item vor ein schoelmeister underholt ordineren wille, dewile he Osterwerum mede bedenet.

4. Voersocht ock, dat den prediger van Schermer sin stipendium verbeteret mochte worden dorch anfordering deputatorum synodi.

Classis van Grote Adewertt klaget alssnoch, gelick alle andere classes dohn, dat geen eheordeninge gestellet wort.

Loppersumer classis.

1. Is ijn questie gestellet, offte ein schoelmeister dat zedelschriuen van mölenpachten sall mögen bedenene. Resolvert synodus, dat die kösters, so vor sich themelick underholt hebben, tselve niet bedienen sölen, besonders so die predigers ahn ehren schoelmeister niet voersthaen end approberen könen.

2. Up die questie gemoviret, oft die collatoren sölen mögen enen diener up een caspelen senden offte stellen sonder enich vörgaende vörstandt offte underreding mith der gemeinten, besonders dar ledematen und olderlingen sint, resolviret synodus, dat ijn desen die kerckenordeninge also ock die landtrechten behöre achtervolget tho worden.

3. Uppet voersoeck des edlen ehrenf. hern DODO VAN AMSCHWEER luidt sine overgegevenen schrift, vorklaret synodus, dat die gedeputerden des synodi die sake sal befohlen zin umme mith den E. E. hern Staten tho vörhandelen etc.

5. Also vor domino KLINCKHAMERO, prediger tho Tjamsweer, ijn synodo gespraken ijs, dat sin underholt klein solde sin, und dat he niet vorgeves veelfoldige clagten in classe gedahn, so findet synodus güet, dat deputati synodi umme de vicarie bij den h. Staten vörsöken ende procureren willen.

6. Ingelieken hefft D. HENRICUS CREVELIUS, prediger thoe Middelbert, aver sin underholt geklaget. Hefft die E. E. LAMBERT HÖRENKENS, raetsheer und amptman vantt Goerecht, angenhamen etwas vöbetering te willen vorschaffen.

7. Also ock vörgestellet, dat unbehörlick ein diener uth ene classe ijn ein ander classen kamen solde sonder des classis, darunder he sortieret, attestatie hefft, so achtet synodus alsnöch tselve nit te behöeren to geschien end ordineren, dattet selve vörhödet solle worden, end ijn dienst niemant treden sunder advijs des classis, dar hie bij kumt.

8. Diewile ock PETRUS SCEPELITZIUS, prediger tho Wedda, in synodo erschienen und tho vorsthan gegeben, dat classis die approbation siner beroping ahnt synodum gestellet hebbe, so hefft synodus die beroping bij provisie approbiret, mitz hem vörmahnende sin ampt und leventd ijn gude achtung te nehmen, unde forts dem classi ijn Oldemampte tho in-jungeren gude upsicht up hem tho willen holden.

9. Tho deputerden deses synodi sint vör dithmael men twe umme reden mith gemeine stemmen gekaren omme die acten bij die heren ijn effecten tho bearbeiden, alse mith namen: uth der stadt D. BERNHARDUS THEODORICI, prediger ijn der stadt Grönningen, D. JOHANNES SPRENGERUS, prediger ijn den Dam, wegen der Omlanden.

10. Entlick ijs censura morum geholdeu aver die ahnwesende und bijwaners deses synodi, und (Godt loff) nicht vörgekahmen noch befunden, dat straffbaer geordelt behöret to worden.

Is also synodus geendiget mith underteicking van eleken prediger und olderlinck, gelick hirha folget.

De post.

Is noch dem synodo to kennen gegeben, dat die pastor tho Baffloe dorch eine lanckwirige kranckheit van sestein weken ijn benautheit geraket. Intercederet synodus vör hem, mits den gedeput. synodi belastende solcke intercessie bij den Gedeputerd. Staten end h. gecommitterden, dat hem enig subsidium uth den closterguderen bestellet möge worden, die-wile he ein hüs vull kleine kinder hefft.

Aliud.

Sint erschenen dominus JOHANNES ACRONIUS, BERNHARDUS ende JOANNES STECHMANNUS, ministri Grönningenses, mith der wedewe van salige RODOLPHI SUTORIS, pastoren up die Meden, vorclarende den bedroveden tho-standt der gemelten wedewen und vörsokende, dat enige uth den middel genömet mochten werden, diewelcke bij den erbaren raedt deser stadt willen anholden, dat sie die vulle upkumpst van ein nhajaer, gelick ijn die Umblanden gebrücklich, genethen mochte. Hefft synodus dartho genomineret und belastet tsulve te döhn D. JOHANNEM SPRENGERUM, D. JOHANNEM LOLINGIUM und D. WULFGANGUM AGRICOLAM.

Aliud.

Doliatio gevallen, dat classis ijm Oldenampte den olden NICOLAUM STELLINGWERFFIUM togelathen hebben up die pastorije up die Meden buten wetenschup des magistraets van Grönningen, welck ijn vörigen tiden gemelten person niet hebben willen tolathen, so kent het synodus, dat deputati classis praedictae praepostere gedaen hebben, ende noch reden darum tho geven sullen behören.

Aliud.

Van HERMANNO WORMS, fiscael, vörsocht sinde vörstandt des synodi toe hebben mögen, oft men jus canonicum sall mögen toelathen ijn defensie van geestlicke guderen, antwordet synodus tselve to mögen sthaen, soferne dieselve leges daruth citeret ofte allegeret niet striden tegens der kercken Christi stichtinge und fundament ofte vörstandt der

hilligen schrift, noch ock tegens den behoerlicken gebruick dersulven guderen, ijn pios usus gedestineret.

Aldus gedaen und christelicken geendiget hebbende alles, wat ijn desem synodo ijs vörfegallenn, so hebben die tegenwordige pastoren ende olderlingen dese vörgeschrevene acten underteickent.

ARNOLDUS MARTINI UTHUSIUS, minister ecclesiae Groning., praeses hujus synodi.

JOHANNES NICASIUS, prediger in Middelstum, assessor.

LAMBERTUS HORENKENS, senior.

JOHANNES SPRENGER, minister ecclesiae Appingedamensis.

HENRICUS CREVELIUS, p. tho Middelbortt.

WULFGANGUS AGRICOLA, p. tho Loesdorff, nomine classis Loppersumanae.

HENRICUS ASSWERUS, minister in Bertha.

JOHANNES LÖLINGIUS, m. in Nörtbroick.

HEBMANNUS THEOPHILI, p. in Höch end Leechkercken.

JOHANNES LAXTEN, m. v. in Holwierda.

SEREP ELAMA, olderlinge.

PETER JANSEN, olderlinge.

JOHANNES EGBERTI, pastor Lermensis.

JOHAN VAN BELLEVELT, olderling ijm Dam.

EGBERTUS STAEL tho Stedem, Loppersumanae classis deputatus.

THEODORICUS PETRI, pastor tho Suetwolde.

WIBRANDUS GEORGH, pastor to Werfum.

HERMANNUS BESTEN, p. toe Warfhüsen.

Finis.